



Aningaasaqarnermut Akileraartarnermullu Naalakkersuisoq

Ulloq: 28. december 2017
J.nr.: 01.31.06/17-00785

Aningaasaqarnermut Akileraartarnermullu Ataatsimiititaliap pingasunngornermi ulloq 27. december 2017-imi aalajangiineranik Naalakkersuisunut ilisimatitsineq.

Aningaasartuutissanut missingersuusianut oqimaaqatigiissitsinermi allannguuteqanngitsumik atuinerunernik aamma atuinikinnerunernik pissuteqartumik suliassaqarfimmi 40-mi – Ilinniartitaaneq, Kultureqarneq, Ilisimatusarneq Ilageeqarnerlu aamma suliassaqarfimmi 84-imi – Ilinniartitaanerni sanaartornerit. - Suliaq nr. 01.31.06/17 - 00785.

”Naalakkersuisut inassutigaat,

- una* aningaasaliissutit kontumi pingaarnermi 40.40.01 Ilinniartitaanermut Aqutsisoqarfik annikillineqassasut 2.600.000 kr.-inik 2017-imi.
- una* aningaasaliissutit kontumi pingaarnermi 40.10.11 Ado Lyngep atuarfia qaffanneqassasoq 600.000 kr.-inik 2017-imi.
- una* aningaasaliissutit kontumi pingaarnermi 84.40.12 Ilinniartitaanerni sanaartorneq, suliniut nr. 020.52.087 Taartaasussanik sanaartorneq NI+GU, Qaqortoq, qaffanneqassasut 2 mio. kr.-inik 2017-imi.
- una* aningaasaliissutit kontumi pingaarnermi 40.92.13 Ilisimatusarfik apparneqassasut 3 mio. kr.-inik 2017-imi.
- una* aningaasaliissutit kontumi pingaarnermi 40.91.23 Campus Kujalleq qaffanneqassasut 3 mio. kr.-inik 2017-imi.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Ilinniartitaanermut Aqutsisoqarfimmut aningaasaliissutit 2,6 mio. kr.-inik ikilineqassasut Naalakkersuisut inassutigaat. Taakkunannga 600.000 kr.-it Ado Lyngep Atuarfiani ukioq manna 2017-imi erngup ajoqusiineranut atatillugu aningaasartuutitut matussutissatut atorneqassapput. 2 mio. kr.-it atorneqassapput suliniummi nr. 020.52.087-imi, Qaqortumi taartaasussanik NI-mi aamma GU-mi sanaartornermut tunngasumi, pilersaarutaasutut tamakkiisumillu suliat naammassineqarnissaannut.

Erngup ajoqusiineratigut aningaasartuutit suliassaqarfimmut 10-89-imut Naalakkersuisunut tunngasumut oqaasertaliussaq nr. 3-mit matussuserneqartussaapput.

Taanna ima oqaasertaqarpoq:

”Naalakkersuisut pisinnaatinneqarput illorsuarni, sanaartukkani pigisanilluunniit angallanneqarsinnaasunik Namminersorlutik Oqartussanit pigineqartunik imaluunniit Namminersorlutik Oqartussat akisussaaffigisaannik tillinniarnermik, ikuallattoqarneranik allatulluunniit ajoqusiinernik allanillu pissuteqartumik aningaasartuutitik akiliinissaannut.”

Taamaattumillu siunertanut taakkununga 600.000 kr.-inik aningaasaliissuteqarnissamut tunngavissinneqarnissartik pissutigalugu Naalakkersuisut qinnuteqassanngillat, taamaattumillu qinnuteqaat pisariaqarani.

Kiisalu Iisimatusarfimmut aningaasaliissutit 3 mio. kr.-inik ikilineqassasut Naalakkersuisut inassutigaa. Aningaasaliissutit Campus Kujallermit atorneqassapput immikkoortortat marluk immikkoortumut ataatsimut katinneqarneranut **aningaasartuutitut** kiisalu sanaartukkamik nutaamik pilersitsinermit atuilernermit **ingerlatsinermit aningaasartuutitut**.


Oqaasertat siuliani allassimasut ima paasineqartariaqarput aningaasartuuteqartoqareersimasoq. Taamaalillunilu atuinnginnermi aningaasaliinissamut tunngavissamik pissarsiniaqqaartoqarsimangilaq, tamannalu missingersuutitut inatsimmut akerliuvoq. Tassunga atatillugu Naalakkersuisunut nalunaarutigineqarsinnaavoq missingersuutinik qaangiisoqassappat, qaangiisoqarneranut pissutaasoq nunatta karsiata naatsorsuutaanut nassuiaatini taarsiullugu ersarissarneqartariaqartoq. Tamatuma saniatigut oqaatigineqassaaq Iisimatusarfimmi 7,5 mio. kr.-it tikillugit atuinerussutaasimasinnartunik ukiumut tullermut nuussinissamut Naalakkersuisut piginnaatinneqareemata. Taamatut pisoqartillugu Aningaasaqarnermut Akileraartarnermullu Ataatsimiititaliap periusarisarpaa suliassamik itigartitsineq.

Aningaasaqarnermut Akileraartarnermullu ataatsimiititaliap aalajangiinera
Siuliani allassimasutut tunngaveqarluni Naalakkersuisut inassuteqaataat **ima iluseqartillugu**
Aningaasaqarnermut Akileraartarnermullu Ataatsimiititaliamit **akuerineqarpoq:**

”una aningaasaliissutit kontumi pingaarnermi 40.40.01 Ilinniartitaanermut Aqutsisoqarfik annikillineqassasut 2.000.000 kr.-inik 2017-imi.

una aningaasaliissutit kontumi pingaarnermi 84.40.12 Ilinniartitaanerni sanaartorneq, suliniut nr. 020.52.087 Taartaasussanik sanaartorneq NI+GU, Qaqortoq, qaffanneqassasut 2 mio. kr.-inik 2017-imi.”

Ataatsimiititaliap sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua